



Universitätsbibliothek Paderborn

**Ioannis Evsebii Nierembergii Madritensis Ex Societate
Iesv De Adoratione In Spiritu Et Veritate Libri Qvatvor**

Nieremberg, Juan Eusebio

Antverpiæ, 1631

Cap. IX. De ardentis desiderio seruientium Deo.

[urn:nbn:de:hbz:466:1-46187](#)

C A P V T I X.

De ardenti desiderio seruientium Deo.

Non est iustum desideres exiguè, ô pusil-lanimis spiritus, quod summum bonum est. Gratia & natura sorores sunt: eundem auctorem & patrem Deum habent. Si desiderare non discis à IESV tuo, qui desiderio desiderauit pati pro te, ut te pudeat non desiderare ardentissimè gaudere cum illo; disce à rebus naturalibus, quomodo concupiscas cælestia. Natura nullum concedit alicui rei bonum, nisi eius præcesserit magnus appetitus: ita nisi ardens desiderium ex gratiâ etiam præcedat, non consequeris donum magnæ virtutis. Res naturales plus optant, quam consequuntur: ignis cùm ascendit sursum, nil magis appetit quam contingere cælum; & tamē illuc non peruenit: sed cupiditas illa nimia opus fuit, ut in locū perueniret sublimē. Saxum cùm decidit, desiderat descendere usque ad cor terræ; & tamen permanet in eius superficie. Quam ardentissimam affectiōnem ingessit etiam brutis erga fetus: vacca, absente vitulo, mugit & clamat; & illuc, ubi putat esse, regreditur ut primū potest. Animalia, quæ timida aut imbecilla sunt, amor prolis armat, irritat & ferocia reddit: hoc ve-

D 2 . . . hemens

hemens desiderium necessarium fuit ad vincendam difficultatem procurandæ sobolis. Res summè difficilis est , perfecta virtus & vnio cum Deo : quomodo difficultatem poteris vincere , nisi summè desideres ? Appetitus naturalis est dispositio ad perfectionem naturalem : sic cupiditas magna & supernaturalis præparat ad perfectionem supernaturalem , & ad suscipienda plura dona Dei , & maiorem gratiam. Auaris & mercatoribus, qui plurimùm audi sunt , comparauit Christus eos qui quærunt Regnum Dei ; ac beatos prædicauit , qui esuriunt & sitiunt iustitiam , duos ardentissimos appetitus vni rei copulans. Nullus est modus in desiderio placendi Deo ; nullum est medium nec modus, nisi semper absque modo & interruptione , & infatigabiliter optare & amplecti crucem , & numquam esse saturum patiendi. Sic intento & omnimodo animo debes seruire Deo: nam alioqui non rectè seruies : tota enim illa voluntas requiritur, ut non deficias præ difficultatibus , nec omnes adhuc vires possibles possent satisfacere particulæ diuinæ infinitatis.

Deus infinitus est : vide tu pusillanimis, quomodo audes limitare desideria tua. Hæc bona caduca desiderantur centies & millies, plusquam petunt & merentur desiderari , & tamen

tamen non obtinentur. Deus immensus & infinitus, cùm deberet desiderari plusquam infinitè; quomodo tam languidè & remissè ad illum aspiras, & sine æstu desideriorum indignè vis possidere? Excita te, & pudeat non desiderasse illum, plus quam alius homo desiderauit bonum creatum; imò plusquam alia creatura desiderauit Deum ipsum. Vehementissimum desiderium, clavis aurea est Regni cælorum, & totius profectus. Sicut enim sine desiderio nihil fit, ita sine ardentissimo desiderio difficillimum omnium perfici, & obtineri nequit. Gaudia terrena ut obtineantur, requirunt pro pretio sui multò maiora desideria, quam valeant, ut possint comprehendи & haberi vincendo difficultates consecutionis: quantus pudor est ad gaudium æternum infinitatis diuinæ intendere tantò minori affectu, quam illud valet, & petit, & tu potes?

Da mihi, Domine, qui coarctabarī usquequò in tuo crōre fuso baptizareris, præ magnitudine desiderij patiendi pro me, ut te desiderem. Quid mihi debet esse in cælo & in terrâ nisi tu Deus, & amator mei; & post te, nisi solū pati pro te, & tecum? Ardentissima pœnitentia, & debitus bonitati infinitæ amor est, cùm pro leuissimo peccato veniali vellem pati, quantum in me est, per

D 3 infi-

infinitos annos inferni supplicia , etiamne aliqua creatura illud committeret: quantum, Domine, deberem desiderare pro meo profectu, & ne committerem ego illud? & tam parum nihilominus sollicitor pro gloriâ tuâ. Nihil aliud deberem facere, nisi votis, precibus, suspiriis , lacrymis , ad hoc anhelare; & cum re nihil magni efficere possim , comparatione magnitudinis tuæ , desideriis curare excedere imbecillitatem meam , & supplere paupertatem propriam.

C A P V T X.

De contemptu & recessu mundi.

Non solum tristitia mundi, sed & gaudia luctuosum & noxiū finem habent: at in virtutis viâ non solum lætitia , sed mœror ipse & tristitia gaudium summum continent, & obtinent. Quid tristaris & tepefis in viâ spiritus? Cum magno tuo periculo diligis, si quidquam mundi amas : imò tua optas pericula , vbi adhuc ipsa bona quæ pretiat , sunt mala , & corrupta , & te corruptientia. Si modicum fermenti totam massam corruptit : quid illi sanum & azymum erit , qui mundo miscetur, vbi tota massa corrupta, & fermentum est ; vbi solum boni putantur qui sunt mali, & mali sunt plurimi? Qui se-
mel